



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 22/04/2026

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Bildung, Kanner a Jugend weiderzeleeden.

Mat der Reform vun der Schoufflicht, déi elo bis 18 Joer geet, stellt sech d'Fro, wéi an der Praxis garantéiert gëtt, datt all Jugendlecher vum lëtzebuergesche Schoulssystem a vun enger gudder Ausbildung kënnen profitéieren. Et ginn awer Fäll, wou Kanner, déi hei am Land liewen, net hei an eng Schoul ginn.

An deem Zesammenhang wéilt ech dem Minister dës Froe stellen:

1. Sinn all Kanner a Jugendlecher am schoufflichtegen Alter, déi zu Lëtzebuerg wunnen, och hei am Schoulssystem ugemellt? Wéi gëtt dëst kontrolléiert?
2. Wat geschitt mat Kanner a Jugendlechen, déi hire Wunnsätz verléieren oder an onstabilen Liewenssituatiounen sinn? Wéi gëtt hei d'Schoufflicht garantéiert?
3. Wéi gi Schüler:innen, déi wéinst schwéierem Feelverhalten aus enger Schoul rausgeheet ginn, weider betreit, fir datt si trotzdeem hir Schoufflicht erfëllen?
4. Wéi gëtt kontrolléiert, datt Kanner, déi an der Grenzregioun an eng Schoul ginn oder am Ausland an engem Internat ugemellt sinn, hir Schoufflicht och effektiv erfëllen? Wat fir Beweiser mussen dem Bildungsministère oder der Gemeng hei virgeluecht ginn, fir dass dës Ausbildung d'Krittäre vun der lëtzebuergescher Schoufflicht erfëllt?



5. Wéi vill Kanner a Jugendlecher sinn aktuell am Homeschooling ugemellt, a wéi gëtt an dëse Fäll d'Schoufflicht iwwerpréift?

Mat déiwem Respekt,



GOERGEN Marc
Deputéierten





**Äntwert vum Minister fir Educatioun, Kanner a Jugend, Claude Meisch, op d'parlamentaresch Fro
Nr. 3971 vum honorabelen Deputéierte Marc Goergen**

- 1. Sinn all Kanner a Jugendlecher am schoufflichtegen Alter, déi zu Lëtzebuerg wunnen, och hei am Schoulsystem ugemellt? Wéi gëtt dëst kontrolléiert?**
- 4. Wéi gëtt kontrolléiert, datt Kanner, déi an der Grenzregioun an eng Schoul ginn oder am Ausland an engem Internat ugemellt sinn, hir Schoufflicht och effektiv erfëllen? Wat fir Beweiser mussen dem Bildungsministère oder der Gemeng hei virgeluecht ginn, fir dass dës Ausbildung d'Krittäre vun der lëtzebuergescher Schoufflicht erfëllt?**

Den Artikel 4, Paragraph 1, vum Gesetz iwwer d'Schoufflicht (*Loi du 23 juillet 2023 relative à l'obligation scolaire*) disposéiert: « *Tout mineur âgé de quatre ans révolus avant le 1^{er} septembre et ayant sa résidence habituelle au Grand-Duché de Luxembourg est soumis à l'obligation scolaire.* »

Fir de Respekt vun der Schoufflicht ze kontrolléieren, ginn d'Aschreiwunge vun de Schüler an deene verschiddene Schoulen mat den Daten aus dem Registre national des personnes physiques (RNPP) verglach. Am RNPP kënnen déi schoufflichteg Schüler iwwert den Alter ermëttelt ginn. Op dës Manéier gëtt séchergestallt, datt all Schüler, deen der Schoufflicht ënnerläit, och effektiv vun enger Beschoulung profitéiert.

Déi zoustänneg Servicer vu mengem Ministère kontrolléieren, ob d'Schoufflicht respektéiert gëtt, an dat onofhängeg dovunner, wou déi concernéiert Kanner a jonk Leit am schoufflichtegen Alter beschoult ginn, sief et zu Lëtzebuerg, sief et am Ausland.

Fir Schüler, déi an eng ëffentlech Schoul ginn, ginn d'Aschreiwungen iwwer d'Schoul direkt an den Datebanke vu mengem Ministère renseignéiert.

Fir Schüler, déi an enger Schoul ageschriwwen sinn, déi an de Champ d'application vun der Konventioun iwwer de Statut vun den Europaschoulen fält oder an enger Privatschoul, déi vum Lëtzebuerger Staat agreeéiert ass, kréien déi zoustänneg Servicer vu mengem Ministère d'Aschreiwungen vun de concernéierten Etablissementer iwwer eng speziell dofir ageriichten Applikatioun iwwermëttelt.

Fir Schüler, déi am Ausland beschoult ginn, mussen d'Elteren den zoustännegen Servicer vu mengem Ministère e Certificat d'inscription virleeën, aus deem ervirgeet, datt déi concernéiert Schüler regelméisseg um Unterrecht deelhuefen.

- 2. Wat geschitt mat Kanner a Jugendlechen, déi hire Wunnsëtz verléieren oder an onstabile Liewenssituatiounen sinn? Wéi gëtt hei d'Schoufflicht garantéiert?**

Laut dem uewe genannte Gesetz gëllt d'Schoufflicht och fir Kanner a Jugendlecher, déi an enger onstabiller Liewenssituatioun sinn.

Fir Schüler, déi an enger Schoul ageschriwwen sinn, kënnen ënnerschiddlech schoulintern Servicer, wéi beispillsweis de SePAS am Lycée, Hëllef an Ënnerstëtzung ubidden. Parallel dozou gesäit d'Gesetz Mechanisme vir, fir de Suivi vun der Schoufflicht sécherzestellen.

Wann e Schüler net méi reegelméisseg um Unterrecht deelhält, ginn déi Erziebungsberechtigt drun erënnert an opgefuerdert, dofir ze suergen, datt d'Schoulflicht respektéiert gëtt. Jee no Entwécklung vun der Situatioun gëtt och d'Jugendgeriicht informéiert (Artikelen 8 an 9 vum genannte Gesetz).

An deem Kontext kann d'Jugendgeriicht, no Analys vun der individueller Situatioun an enger eventueller Enquête, déi néideg Schutz- an Ënnerstëtzungsmesuren huelen, mam Zil, d'Situatioun vum Kand oder Jugendlechen ze stabiliséieren an e gereegelte Schoulparcours am Respekt vun der Schoulflicht ze erméiglechen.

3. Wéi gi Schüler:innen, déi wéinst schwéierem Feelverhalten aus enger Schoul rausgeheit ginn, weider betreit, fir datt si trotzdeem hir Schoulflicht erfëllen?

Fir schoulflichteg Schüler, géint déi e Renvoi aus engem Lycée gesprach gëtt, gesäit d'ofgeännert Gesetz vum 25. Juni 2004 iwwer d'Organisatioun vun de Lycéeën (*loi modifiée du 25 juin 2004 portant organisation des lycées*) an sengem Artikel 43ter Follgendes vir:

« En cas de renvoi, le directeur veille à ce que l'élève et les parents de l'élève mineur soient informés des possibilités de continuation de ses études.

Si l'élève renvoyé est soumis à l'obligation scolaire, le directeur veille à ce qu'il soit scolarisé dans un autre lycée dans la semaine qui suit ce renvoi.

(...). ».

D'Schoulen – a Collaboratioun mat den zoustännege Servicer vu mengem Ministère – suergen dofir, datt d'Beschoulung vun dese Schüler net ënnerbrach gëtt.

Am Fall vun engem Recours géint e Renvoi virun d'*Commission de recours en matière disciplinaire* bleift de Schüler am urspréngleche Lycée ageschriwwen, bis déi definitiv Decisioun vun der Kommissioun virläit.

5. Wéi vill Kanner a Jugendlecher sinn aktuell am Homeschooling ugemellt, a wéi gëtt an dese Fäll d'Schoulflicht iwwerpréift?

177 Schüler am Grondschoulalter profitéieren aktuell vun engem Enseignement à domicile. Laut dem Artikel 21 vun der *Loi modifiée du 6 février 2009 portant organisation de l'enseignement fondamental* gëtt den Enseignement à domicile vum Regionaldirekter autoriséiert a kontrolléiert.

85 Schüler am Lycéesalter suivéieren aktuell en Homeschooling. D'Schoulflicht gëtt duerch reegelméisseg Echangë mat den Elteren an de betraffene Schüler kontrolléiert.

Ee Projet de loi iwwert den Enseignement à domicile, deen en harmoniséierte Kader fir béid Ordres d'enseignement soll schafen, ass um Instanzewee.

Lëtzebuerg, den 8. Juni 2026

De Minister fir Educatioun,
Kanner a Jugend

(s.) Claude MEISCH